



მენორა

გამოდის
1993 წლის
მარტიდან

დამოუკიდებელი ებრაული გაზეთი საქართველოში

„MENORA“ INDEPENDENT JEWISH NEWSPAPER IN GEORGIA

המנורה

„МЕНОРА“ НЕЗАВИСИМАЯ ЕВРЕЙСКАЯ ГАЗЕТА В ГРУЗИИ

ოქტომბერი
№10 (446)
(5779)
2018

“מנורה”
עיתון יהודי
בגוריה

ნეთანიაჰუს პროტესტი

ისრაელის პრემიერ-მინისტრი ბინიამინ ნეთანიაჰუ ნიუ-იორკში გაეროს გენერალურ ასამბლეაზე ყოფნისას აშშ პრეზიდენტს დონალდ ტრამპს შეხვდა. ისაუბრეს პალესტინასთან ურთიერთობის რეგულირების საკითხებზე.

სწორედ გენერალური ასამბლეის მუშაობის დღეებში, 26 აგვისტოს გაეროს კულტურისა და განათლების დეპარტამენტმა იუნესკომ გამართა კონფერენცია, რამელიც ანტისემიტიზმთან ბრძოლას ეძღვნებოდა. კონფერენციას ესწრებოდნენ სახელმწიფოთა ხელმძღვანელები, გაეროს თავმჯდომარე ანტონიო გუტიერეში, მინვეული გახლდათ ისრაელის პრემიერ-მინისტრი ბინიამინ ნეთანიაჰუ, მაგრამ ნეთანიაჰუმ იმის გამო რომ იუნესკო ისრაელის მიმართ არასწორ პოლიტიკას ატარებს, პროტესტის ნიშნად უარი განაცხადა კონფერენციაში მონაწილეობაზე.

— ანტისემიტიზმთან ბრძოლის ყოველ ღონისძიებას მივსალმები, მაგრამ გადაწყვიტე იუნესკოს მიერ მოწყობილ კონფერენციაში მონაწილეობა არ მივიღო. ამის მიზეზი გახლავთ ის, რომ იუნესკოს ისრაელის მიმართ აქვს არასამართლიანი და წინასწარ აკვირებული დამოკიდებულება. 2009 წლიდან მოყოლებული იუნესკომ მიიღო ისრაელის გამკიცხავი 71 რეზოლუცია, სხვა სახელმწიფოები კი ორჯერ გაკიცხა — განაცხადა ნეთანიაჰუმ.



ისრაელის ელჩი — თბილისის საპატიო მოქალაქე

საყოველთაოდ ცნობილია, შემოდგომის მზით გაჩახჩახებულ თბილისში იმართება ტრადიციული დღესასწაული „თბილისობა.“ 2018 წლის „თბილისობა,“ ისე როგორც ადრეული წლებისა, თბილისის საპატიო მოქალაქეების არჩევის ცერემონიით დამთავრდა. წელს თბილისის საპატიო მოქალაქედ არჩეული იქნა 15 პიროვნება — ცნობილი მეცნიერები, კულტურის მოღვაწენი. დაჯილდოებულთა შორისაა ისრაელის საგანგებო და სრულუფლებიანი ელჩი საქართველოში შაბთაი ცური.

აღსანიშნავია, რომ რამდენიმე წლის წინათ ასევე თბილისის საპატიო მოქალაქედ იქნა არჩეული ისრაელის კიდევ ერთი ელჩი საქართველოში — იუვალ ფუქსი.

გაზეთ „მენორას“ რედაქციას

გთხოვთ ნება მიბოძოთ, თქვენი გაზეთის საშუალებით, თბილისის საპატიო მოქალაქედ არჩევა მივულოცო ისრაელის საგანგებო და სრულუფლებიანი ელჩს საქართველოში ბატონ შაბთაი ცურს. ეს არის ფრთხილად სასიამოვნო ფაქტი, რომელიც კიდევ უფრო განამტკიცებს ქართულ-ებრაულ ურთიერთობას და იგი ახალ გრადაციამდე — საქართველო ისრაელის მეგობრობაში გადაჰყავს.

ბატონ ელჩს, მთელ მის ოჯახს გულითადად ვულოცავ ამ ფაქტს და ვუსურვებ შემდგომ წარმატებას.

პატივისცემით სოსო აჯინაშვილი

მვრავიის მბრალთა კონგრესის აქტივობანი

1. ვიზიტი უკრაინაში

ევრავიის ებრაელთა კონგრესის პრეზიდენტის მიხეილ მირილაშვილის მეთაურობით, უკრაინას ეწვივნენ ებრაელი ლიდერები. კონგრესის ხელმძღვანელობის გარდა, დელეგაციის შემადგენლობაში გახლდნენ უკრაინის ებრაული ორგანიზაციების ხელმძღვანელები: სრულიად უკრაინის ებრაელთა კონგრესის პრეზიდენტი ვადიმ რაბინოვიჩი და უკრაინის ებრაელთა კონფედერაციის მეთაური ბორის ლოჟკინი.

უკრაინაში ვიზიტის ცენტრალურ მოვლენად იქცა სამუშაო შეხვედრა ქვეყნის პრეზიდენტთან — პეტრო პოროშენკოსთან და საგარეო საქმეთა მინისტრთან პაველ კლიშკინთან, ამ შეხვედრებისას განხილული იქნა საკითხთა ფართო სპექტრი, რომელიც ეხებოდა უკრაინის ებრაელობის ყოფას და უკრაინისა და ისრაელის ურთიერთობას.

პრეზიდენტ პეტრო პოროშენკოსთან განხილულ საკითხთა შორის მთავარი გახლდათ ანტისემიტიზმი უკრაინაში. პრეზიდენტმა პ. პოროშენკომ დელეგაციის წევრებთან საუბრისას თქვა, რომ უკრაინის ხელისუფლება მკაცრად ებრძვის ანტისემიტიზმს — განსაკუთრებულად ამხვედრებს ყურადღებას ამ საკითხებზე. ამასთან ერთად, პოროშენკომ აღნიშნა, რომ უკრაინაში ანტისემიტიზმი მარგინალური ჯგუფების სარბილია. თუმცა, არ შეინიშნება ანტისემიტიზმის აქციათა ზრდის ტენდენცია. პ.პოროშენკოს აზრით, პრობლემათა რიგი თავს იყრის სამართალდამცავი და სასამართლო ორგანოების არაეფექტურ მუშაობაში, რის გამოც რიგი ანტისემიტიზმის აქციებისა, ვერ ღებულობს სათანადო იურიდიულ შეფასებას და დამნაშავე პირები სათანადოდ არ ისჯებიან.

ეაე კონგრესის პრეზიდენტმა მიხ. მირილაშვილმა განსაკუთრებულად წარმოაჩინა პოლოკოსტის ისტორიის ობიექტური შესწავლისა და სწავლების მნიშვნელობა. ხაზი გაესვა იმას, რომ ეაე კონგრესი მზად არის ყოველმხრივი მხარდაჭერა აღმოუჩინოს უკრაინელ პედაგოგებს, რათა მათ



იერუსალიმის იად ვაშემის მუზეუმში გაიარონ სათანადო კურსები, უკრაინაში კი განახორციელონ ისრაელელი სპეციალისტების ვიზიტები.

გარდა სამთავრობო წრეებთან ოფიციალური შეხვედრებისა, ეაე კონგრესის დელეგაცია ესტუმრა სოფელ ანატემკაში განლაგებულ ებრაული სათემო ინსტიტუტების კომპლექსს.

ეაე კონგრესი გახლავთ მონაწილე ამ კომპლექსში განლაგებული საგანმანათლებლო და სოციალური ინიციატივების პროგრამისა, რომლის მიზანია ებრაული განათლებისა და თემის ხელმოკლეთათვის დახმარება.

დელეგაციამ მოინახულა ბაბი იარის მემორიალური კომპლექსი, კიევის მთავარი ბეთ ქნესეთი, შეხვდა ებრაული ორგანიზაციების წარმომადგენლებსა და რაბინებს.

(დასასრული მე-8 გვერდზე) →

ა რ ი ს ა ლ ტ ე რ ნ ა ტ ი ვ ა !

ეფრაიმ მიხაელი — აშდოდის მერად!

მაროზის კანდიდატის მიმართვა ქალაქის მოსახლეობას

მთელი ჩემი სიცოცხლე ქვეყანასა და ხალხს ვემსახურები, დადგა დრო ვემსახურო აშდოდსა და მის მოსახლეობას!

პოლიტიკაში ენერჯით აღსავსე მოვდივარ, იმისათვის, რომ აშდოდის ყოველი მოსახლის, განსაკუთრებით ახალგაზრდობისათვის, ცხოვრება უკეთესი გავხადო, პრაქტიკულად დადასტურებულია, რომ მაქვს მოქმედების უნარი, ხედვა, ფასეულობათა სისტემა და გაბედულება.

გავერთიანდეთ და ერთად მოვახდინოთ ცვლილებები : მე ვარ მერობის ერთადერთი ახალი კანდიდატი — სხვა კანდიდატებს უკვე 15 წელზე მეტია ქალაქის საბჭოში მოურობამთ ფეხი და წასვლას კიდეც არ აპირებენ. მოდით, ყველამ ერთად ვუთხრათ მათ: იშუშავეთ? დიდი მადლობა, გზა მშვიდობისა!

ამჯერად არის ერთადერთი კანდიდატი და ერთადერთი სწორი არჩევანი: ხმა მისცეთ პატიოსან, სახელგაუთქხელ, პრაქტიკული მოღვაწეობის დიდი გამოცდილებისა და დიდი ნამსახურობის მქონე პიროვნებას: მიაქციეთ ყურადღება ეფრაიმ მიხაელის ნუსხას:

- ბიზნესის მართვის მეორე აკადემიური ხარისხი,
- მაღალი ჩინის დიპლომატი, რომელიც რუსეთში ისრაელს სამხედრო პრეს-ატაშეს რანგში წარმოადგენდა.
- 30 წელი მსახურობდა ცახალში და თავდაცვის სამინისტროში,
- წამყვანი სახელმწიფო კომპანიების დირექტორთა საბჭოს წევრი.



לראשות העיר אשדוד

יש

אלטרנטיבה!

למועצת העיר אשדוד

אלוהי משנה במילואים

אפרים מיכאלי

לראשות העיר אשדוד

როგორ ხელახლს ეფრაიმ მიხაელი აშდოდის მომავალს?

პერსპექტივაში აშდოდს ვხედავ სიცოცხლით სავსე, შეუსვენებელი მოქმედების ქალაქად.

პირობას ვდებ:

ახლომდებარე დასახლებული პუნქტების ხარჯზე გავაფართოვო ჩვენი ქალაქის საზღვრები,

ჩვენს ქალაქში გავზარდო უცხოური ინვესტიციები,

ყველა ბაგა-ბაღში დაიდგება სამეთვალყურეო კამერები

ბავშვებისათვის, რომლებსაც განსაკუთრებული — განსხვავებული სწავლა ესაჭიროებათ, აშენდება საბავშვო ბაღები და სკოლები, მათზე პასუხისმგებლობას ქალაქის მუნიციპალიტეტი აიღებს.

გადავწყვეტთ ტრასებზე გადატვირთული მოძრაობისა და პარკინგების მომრავლების საკითხს.

გასართობი ადგილები და პარკები უფასო იქნება აშდოდის

მცხოვრებთათვის, ფასიანი — სხვა ქალაქებიდან ჩამოსულები-სათვის.

კანტრი-კლუბების დაუყონებლივი მშენებლობა და განვითარება

დაინტერესებული პირები ვერა-რა გავლენას ვერ მოახდენენ ქალაქის ხელმძღვანელობაზე.

საერთოდ, ქალაქის მცხოვრებთა უპირატესობა, ხოლო ქალებს უპირატესობა მიენიჭებათ მუნიციპალურ კონკურსებში, ხალხის რჩეულთა, მერიისა და მისი ორგანოების მოღვაწეობის სრული გამჭვირვალობა,

უკომპრომისო წესიერება, საქმე ლაპარაკის ნაცვლად!

ამჯერად თქვენ გაქვთ ალტერნატივა!

შემომიერთდით, ერთად შევცვალოთ ჩვენი საყვარელი ქალაქი!

www.efraimmichaeli.co.il

გაზეთ „მენორა“-ს რედაქცია თავის მკითხველთან ერთად გულითადად მიესალმება ბ-ნ ეფრაიმ მიხაელის - მიხელაშვილის კანდიდატურას ქალაქ აშდოდის მერად.

იმედი გვაქვს აშდოდის მოსახლეობა, განსაკუთრებით კი ქართველი ებრაელობა მხურვალედ დაუჭერს მხარს ეფრაიმ მიხაელის კანდიდატურას.

გ ა მ ა რ ჯ ვ ე ბ ა ს გ ი ს უ რ ვ ე ბ თ , ბ ა ტ ო ნ ო ე ფ რ ა ი მ !

ახალგაზრდობა — იმედი ხვალის

დიდი გზის დასაწყისი

(ინტერვიუ ლიკა მიხელაშვილთან:)

First Global არის რობოტიკის საერთაშორისო შეჯიბრი, რომელშიც ყოველწლიურად 160-ზე მეტი ქვეყანა იღებს მონაწილეობას. შეჯიბრის მიზანია ახალგაზრდებს გაუღვივოს ინტერესი STEM-ის დარგში. First Global არის სივრცე, რომელიც ტექნოლოგიებითა და მეცნიერებით დაინტერესებულ ახალგაზრდებს აძლევს საშუალებას, გამოხატონ თავიანთი იდეები, გამოიმუშაონ თანამშრომლობის უნარი და ყურადღება მიმართონ მსოფლიოში არსებული ყველაზე მნიშვნელოვანი პრობლემებისკენ და მოიფიქრონ გამოსავალი მათ გადასაჭრელად. წლებადღეი ოლიმპიადის თემა ენერგოეფექტურობა იყო. საქართველოს სახელით რობოტიკის გუნდი წელს მეორედ იღებდა მონაწილეობას. შარშან საქართველოს გუნდმა შეძლო 160-ზე მეტი ქვეყანას შორის მე-14 ადგილი დაეკავებინა. წელს კი ეს შედეგი კიდევ უფრო გააუმჯობესეს და სამშობლოში ბრინჯაოს მედლით დაბრუნდნენ. ამ გუნდის ერთ-ერთი წევრია მეთორმეტი



კლასელი ლიკა მიხელაშვილი, რომელსაც ჩვენი კორესპოდენტი თაკო შუკაკიძე გაესაუბრა.

— მოგესალმებით ლიკა, გვიამბეთ პროექტში მიღებული გამოცდილების შესახებ.

— გამომდინარე იქიდან, რომ FIRST global-ში 193 გუნდი მონაწილეობდა 183 ქვეყნიდან, განსხვავებული კულტურისა და ბექგრაუნდის ხალხს შორის მოვხვდით, რაც შეჯიბრს უფრო სახალისოს და ამასთანავე შემეცნებით ხდიდა. გავიცანით ადამიანები ისეთი ქვეყნიდან, რომლებზეც აქამდე საერთოდ არაფერი გვსმენია. გავიჩინეთ მეგობრები, რომლებთანაც დღემდე გვაქვს ახლო კონტაქტი და ურთიერთობის გაგრძელებას ვაპირებთ.

რაც შეეხება თვითონ რობოტიკას, არაჩვეულებრივი გამოცდილება მივიღეთ ინჟინერიის სფეროში. გავეცანით დეტალებს და შევეცადეთ რაც შეიძლება კარგად მოგვეგო რობოტის ფუნქციები თამაშის დინამიკისთვის. მაგალითად რობოტის ხელი, რითიც ყუთებს იღებს, რამდენჯერმე დავშალეთ და თავიდან ავანყეთ იმისთვის, რომ რაც შეიძლება უკეთესი ვარიანტი შეგვექმნა.

ჩემთვის ეს გამოცდილება პირველი იყო ინჟინერიის და რობოტიკის სფეროში. ძალიან საინტერესო სფეროა, თუმცა, სწავლის გაგრძელებას ეკონომიკისა და სოციოლოგიის განხრით ვაპირებ. მიუხედავად ამისა, ამ პროექტმა შემძინა ისეთი უნარები, რაც ნებისმიერ სფეროში გამომადგება, როგორცაა სწორი სტრატეგიების დასახვა, ძირითადი ინჟინერიის ცოდნა და კომუნიკაცია სხვადასხვა წარმომბობის ადამიანებთან. ვაპირებ შემდეგ წლებშიც მივიღო მონაწილეობა ასეთი რობოტიკის შეჯიბრებებზე.

დისციპლინა გამარჯვების საწინდარია!

ცხოვრებასთან დიალოგში მთავარი მისი შეკითხვები კი არაა, ჩვენი პასუხებია. რაოდენ სწორი აღზრდა უნდა ჰქონდეს ადამიანს, რომ ძირითადად ესმოდეს ზემოთქმულის სიბრძნე. ასეთი აღზარდეს თემში ცნობილმა და პატივცემულმა ზაზა და ლია იაკობაშვილებმა თავიანთი ვაჟი — მიხეილი. ზაზა თელავის ოლქის კარდოლოგია უფროსია. მის დაქვემდებარებაში სამი დიდი კარდოლოგიური ცენტრი შედის. ლია სოციალური მომსახურების საზოგადოება „რეუთის“ ფინანსისტი. მიხეილი და — თეა ბიოლოგია, მაგრამ საბანკო საქმე შეისწავლა და ამ სფეროში საქაო წარმატებასაც მიაღწია.

მიხეილი 4 წლისა იყო, როცა მათი ოჯახი ისრაელში ამოვიდა. თბილისში გატარებული ბავშვობიდან ასსოვს ეზოში ბურთის თამაში და ბებია ლალისთან სეირნობა. ახალმოსულთათვის არ იყო იოლი აბსორბციის ბარიერების გადალახვა, მაგრამ ზურგს უმაგრებდნენ ბებია ლალი და ზაზა მიხეილ პაპისმელოები, რომელთაც ბავშვებზე ზრუნვა იკისრეს, რათა ახალგაზრდებს ახალ ქვეყანაში გზა გაეკვლიათ.

მიხეილი იხსენებს, თუ როგორ მიაბარეს მისი დაიკო ინგლისურზე კერძო მასწავლებელს და მას ტირილი დაუწყია, მეც მინდაო. ბავშვის დასამშვიდებლად მასწავლებელთან ისიც წაუყვანიათ და საცდელი გაკვეთილის შემდეგ, აღარც მიუტოვებია. უფრო მეტიც: ამბობს, ქალბატონმა ქეთინომ არა მარტო ინგლისური, საერთოდ სწავლა შემაყვარაო. მიხეილი დადიოდა ძიუდოზე, უკრავდა გიტარაზე. სკოლაში კი, ყველაზე მეტად ზუსტი მეცნიერებები აინტერესებდა: ქიმია, მათემატიკა, ბიოლოგია და დღემდე განუყრელი კომპიუტერული მეცნიერება. ყველა საგანში ხუთ ერთეულიანი სრული სიმნიფის ატესტატი მიიღო. კლათბურთში სკოლის ნაკრების საუკეთესო მოთამაშე გახლდათ. „ათუდას“ უფლებით ხაფის ტექნიონიდან მოუვიდა მინვევა, მაგრამ მან „ცაპალის“ პრეს-ცენტრში სამსახური არჩია. ეს ქვეყანაყოფი საინფორმაციო ბრძოლას უცხადებდა ანტიისრაელურად განწყობილ ქვეყნებს, რომლებიც განგებ არიდებდნენ თვალს ფაქტებს, რომლებიც ჩვენი რეგიონის კონფლიქტთანაა დაკავშირებული.

მიხეილი ჯერში მოსამზადებელი კურსი გაიარა და სულ მალე მეთაურის თანაშემწედ დანიშნეს. მათ სრულიად ახალი პლატფორმა შექმნეს — სხვადასხვა კომპიუტერული პროგრამებით ახერხებდნენ უზუსტესი ვიდეოკადრებით შეედგინათ სრული სურათი, თუ როგორ აფრთხილებდნენ ღაზის სექტორის ამა თუ იმ შენობაში თავშეყრილ ადამიანებს გავითავისუფლებინათ მიმდებარე ტერიტორიებიც კი, რათა ევაკუაციის შემდგომ „ხამასის“ იარაღის სამალავები აეფეთქებინათ. ეს ინფორმაცია საერთაშორისო პრესცენტრებს ინგლისურ ენაზე მიწოდებოდა „ტვიტერით“, „ფეისბუქით“ და ინტერნეტის სხვა საშუალებებით. ამის შემდეგაც CNN არაფერს გადმოსცემდა. გენშტაბის უფროსმა, გაბი აშქენაზიმ, შეაფასა რა მათი სამსახური, თქვა:

— ფართო მასშტაბზე ამგვარი ინფორმაციის მიტანა, ადასტურებს ისრაელის არმიის სიმძლავრესა და მის მზადყოფნას ნებისმიერი საომარი ოპერაციისათვის.

— ლამ-ლამობით უფრო მეტს ვმუშაობდით. ჩვენ ვიცოდით, რომ „ხამასისთვის“ უცხოელი ჟურნალისტებიც კი, ცოცხალი ფარი იყო და მათ უკან ტერორისტული აქტები იგეგმებოდა. ჩვენი სტრატეგიით „ხამასის“ სიცრუეს ფრანგულ, ესპანურ და რუსულ ენ-

ებზეც სიმართლეს ვუპირისპირებდით და ვიმარჯვებდით-- ამბობს მიხეილი.

— თუ იყო შემთხვევა, რომ ვინმეს გამბედაობა არ ეყო და მართლიდან გავიდა?

— როდესაც კურსის მეთაურად დამნიშნეს, გარდა იმისა, რომ ახალბედა ჯარისკაცები უნდა მომეზადებინა, მათთან მეგობრული ურთიერთობაც უნდა შემენარჩუნებინა და დისციპლინაც მომეთხოვა. ერთმა ეთიოპელმა ჯარისკაცმა ამ ყველაფერს ფეხი ვერ აუწყო და მიტოვება განიზრახა. ჩემმა შეგონებამ, რომ ის არავინაა ნაკლები არ არის, რომ ამ სამსახურის საბუთი მწვანე შუქია სამომავლო კარიერაში, ფრთები შეასხა და სამხედრო სამსახური ძალიან კარგად გაიარა — მიპასუხა მიხეილი და განაგრძო — ქიფურის ომის 45 წლისთავთან დაკავშირებით, ინტერაქტიული პროექტი დავამუშავეთ. ქრონოლოგიური კადრებით ინტერნეტში ვივარაუდებოდა. მცირერიზივანმა არმიამ, 21 დღის განმავლობაში, როგორ დაახვინა მტერს უკან და ისტორიაში კიდევ ერთი, შეუდარებელი გმირობა ჩაინერა.

სამხედრო სამსახურის სამი წელი მიწინაა და გათავისუფლების დღიდან მიხეილი მუშაობას იერუსალიმში, ერთ-ერთ ამერიკულ ფირმაში იწყებს, ეს ფირმა საზღვარგარეთ დოკუმენტური მასალების გავრცელებას ემსახურებოდა. მაგალითისთვის პარაშუტისტებზე გადაღებული ფილმიც იკმარებდა. პარალელურად, იმდროინდელი თავდაცვის კომისიის თავმჯდომარის შაულ მოფაზის სამდივნოშიც მუშაობდა. იგი თავად ათავსებდა „ტვიტერსა“ და „ფეისბუქში“ შაულ მოფაზის მასალებს.

ამის შემდეგ მიხეილი იაკობი თელავის უნივერსიტეტის ბიოლოგიური და სამედიცინო ინჟინერიის ფაკულტეტზე ჩაირიცხა. დღევანდელი მედიცინა თანამედროვე ტექნოლოგიების გარეშე წარმოუდგენელია. ნებისმიერ ხელსაწყოს ელექტრო ინჟინერები აწვითარებენ, იქნება ეს CT Tu MRI.

— ამ ფაკულტეტზე სწავლა რატომ მოგინდა, ასეთი ინტერესი რამ განაპირობა? — ვეკითხები.

— არ გამოერცხავ, რომ მამამისის გავლენა იყო. მე უფრო რეალისტი ვარ და შევათავსე ორი საინტერესო სამყარო: ტექნოლოგია და მედიცინა. ზემოთხსენებულ ფირმაში კონსულტანტად სტუდენტობის პერიოდშიც განვაგრძობდი მუშაობას.

უმალესი ქულებისა და მომზადების დონის საფუძველზე, მიხეილიმა თავად დეკანისგან მიიღო ქების სიგელი. მან მალე საკუთარ პროექტზე დაიწყო მუშაობა. საინჟინრო საქმეში მისი სამეცნიერო ხელმძღვანელი პროფ. ოფერ ბარნა გახლდათ, ხოლო სამედიცინო კონსულტანტი — მამა — ზაზა იაკობაშვილი, რომელიც ამავე უნივერსიტეტში ლექციებს კითხულობს კარდოლოგიაში. ეს პროექტი დიდ ძალისხმევას მოითხოვდა, რამეთუ, მის მიერ დამუშავებულ ხელსაწყოს, ბევრად უნდა გაეუმჯობესებინა და გაეადვილებინა საავადმყოფოს მიმღებში მომუშავე მედპერსონალის არც თუ ისე იოლი სამსახური. ეს გახლავთ კარდიოგრამის უახლესი აპარატი, რომლითაც აღიჭურვება ნებისმიერი საავადმყოფოს მიმღები. იგი გულის პრობლემების მქონე ადამიანებს დაეხმარება. ავადმყოფები მიმღებში რიგების გვერდის ავლითა და დამღლევი ლოდინის გარეშე, თავადვე გაიკეთებენ კარდიოგრამას და



საჭიროების შემთხვევაში, პირდაპირ განყოფილებაში ჩაუტარებთ შესაბამისი პროცედურები.

უნივერსიტეტის დამთავრების შემდეგ, მიხეილი იაკობი მუშაობას იწყებს „მელანოქსის“ კომპანიაში, რომელიც თელავში, რამათ ჰახაიალიში მდებარეობს. აქ 3000 ადამიანია დასაქმებული. მიხეილი ელექტრო ინჟინერია და სილიკონის „ჩიპებზე“ მუშაობს. ეს კი კომპიუტერების ის მნიშვნელოვანი დეტალია, რომელიც პასუხს აგებს ყველანაირ გამოთვლაზე, ინფორმაციის დამუშავებასა და სხვა.

— ეს სფერო ძალიან საინტერესოა, მაგრამ მედიცინას სამუდამო დაეთხოვე?

— შესაძლებელია კიდევ დავუბრუნდე იმდენად, რამდენადაც მედიცინაც ახლობელია ჩემთვის. მე მამასთან მეგობრული ურთიერთობა მაქვს, სასაუბრო თემაც საერთო. ერთნაირი მუსიკა გვიყვარს და კონცერტებზეც ერთად დავდივართ. საერთოდ, ოჯახურ თავყრილობებს არაფერზე გავცვლი. ჩემი დისშვილის განებივრება, განსაკუთრებულ სიამოვნებას მგვრის.

ამ ენაწყლიანმა, ახოვანმა, ათლეთური გარეგნობის ლამაზმა ახალგაზრდამ შესაკითხიც აღარაფერი დამიტოვა.

იცნობდეთ, ისრაელის არმიის წარჩინებული, პრესცენტრის გამოცდილი სპეციალისტი, პროგრამისტი, სამედიცინო, ბიო და ელექტრო ინჟინერი, მიხეილი იაკობაშვილი!

ლია კრიხელი
ისრაელი, 2018 წ. აგვისტო

„კულტურული მემკვიდრეობის ევროპული დღეები“

30 სექტემბერს, თბილისში აღინიშნა „კულტურული მემკვიდრეობის ევროპული დღეები“, რომელიც გამართა საქართველოს ებრაელთა ისტორიის მუზეუმის დირექტორის, გივი ღამბაშიძის და საერთაშორისო ფონდი „ლეა“-გერაელ ქალთა საბჭოს ხელმძღვანელის მარინე სოლომონიშვილის ორგანიზებით.

მოხსენებით გამოვიდნენ: მარინე სოლომონიშვილი - „ევროპასთან საქართველოს ინტეგრირების კულტურული ხიდები“ და „ებრაული კულტურის ევროპული დღეები“ გივი ღამბაშიძე - „მუზეუმი - მშვიდობის სივრცე“, მოხსენება, წარმოდგენილი ებრაული არქიტექტურის მესამე საერთაშორისო კონგრესზე - „სინაგოგა და მუზეუმი“, (ბრაუნშვეიგი, გერმანია, 2017).

მარინე სოლომონიშვილმა მუზეუმს საჩუქრად გადასცა თავისი გრაფიკული ნამუშევრები. ასევე, წარმოდგენილი იყო ვირტუალური პრეზენტაცია: „თანამედროვეებრაელი მხატვარი ქალი როგორ ასახავს მის ეთნიკურ იდენტობას“ -მარინე სოლომონიშვილის გრაფიკული ნახატები.

მომდერალმა ნაზი სარჯველაძემ შეასრულა რომანსები.

დამსწრეთ იხილეს საინტერესო დოკუმენტური ფილმები: „მუზეუმის საიდუმლოებანი - იერუსალიმის ებრაული მუზეუმი“; „ამბავი კაიროს გენიზადან“-ისრაელის ეროვნული ბიბლიოთეკა.

სალამოზე გამართა საინტერესო პროფესიული დისკუსია.

გივი ღამბაშიძემ აღნიშნა, რომ საქართველო კულტურათა დიალოგის ერთ ერთ პოზიტიური მაგალი-



თია, ისტორიულად ჩამოყალიბებული ქართულ-ებრაული ურთიერთობების აქცენტირება მნიშვნელოვანია ხალხთა შორის ურთიერთობის გაღრმავებისთვის. საქართველოს განათლების, მეცნიერების, კულტურისა და სპორტის სამინისტრო ყურადღებას უთმობს ებრაულ კულტურულ მემკვიდრეობას. 2018 წლის 28 მარტს, საქართველოს კულტურული მემკვიდრეობის დაცვის ეროვნული სააგენტოს ბრძანებით ქართულ-ებრაულ 26-საუკუნოვან ურთიერთობის ტრადიციას, არამატერიალური კულტურული მემკვიდრეობის ძეგლის სტატუსი მიენიჭა.

შალვა ნინუაშვილმა (ებრაული მუზეუმის ყოფილი დირექტორი) ისაუბრა საქართველოს ებრაული მუზეუმის 85 წლისთავისადმი მიძღვნილი ნიგნის „საქართველოს ებრაელთა პროზა“ პრეზენტაციაზე და რომ გვემავს საქართველოს ებრაელი მხატვრების თაობაზე ნიგნის გამოცემას.

მარინე სოლომონიშვილმა ისაუბრა საქართველოს ევროპასთან ინტეგრაციის საკითხზე, ხაზი გაესვა, საქა-

რთველოს კულტურული მრავალფეროვნების პოპულარიზაციისათვის რაოდენ მნიშვნელოვანია ებრაული და სხვა ეთნიკურ/რელიგიურ უმცირესობათა კულტურული მემკვიდრეობის ხელშეწყობა და წარმოჩენა. აღნიშნა, რომ 2018 წელს, 29 და 30 სექტემბერს აღინიშნებოდა ევროპული კულტურული მემკვიდრეობის დღეები, სლოგანით: „ჩვენი მემკვიდრეობა: სადაც წარსული ხვდება მომავალს“. 2017 წლის 7 დეკემბერს მილანში ევროპის კულტურულ ფორუმზე 2018 წელი ოფიციალურად გამოცხადდა კულტურული მემკვიდრეობის ევროპული წლად, რომლის ძირითადი მიზანი კულტურული მრავალფეროვნების დაცვა და ხელშეწყობაა ევროპასა და

სამეზობლო ქვეყნებში. მ.სოლომონიშვილმა ხაზი გაუსვა მეორე მნიშვნელოვან საკითხს: 2018 წლის სექტემბერში, აღინიშნებოდა „ებრაული კულტურის ევროპული დღე“, სლოგანით „წარატივი“. (1999 წელს, პარიზში, კულტურული მემკვიდრეობის დაცვისადმი მიძღვნილ კონფერენციაზე დადგინდა ებრაული კულტურის დღე — 6 სექტემბერი, მას შემდეგ ეს დღე ყოველწლიურად აღინიშნება ევროპის 30-ზე მეტ ქვეყანაში). 2014 წლიდან ამ დღის ორგანიზებაში საქართველო მეოთხედ მონაწილეობს ქ-ნ მარინეს ინიციატივით.

ლონისძიებას ესწრებოდნენ მუზეუმის, ებრაული სათემოს, სხვადასხვა ეთნიკური და რელიგიური სათემოს, არასამთავრობო და საერთაშორისო ორგანიზაციათა წარმომადგენლები, ხელოვანები და საზოგადო მოღვაწეები.

მარინე სოლომონიშვილი

„საქართველოს ებრაელთა პროზა“

ისრაელში საქართველოს ებრაელობის კვლევის ცენტრმა და სსიპ დავით ბაზოვის სახელობის საქართველოს ებრაელთა და ქართულ-ებრაულ ურთიერთობათა ისტორიის მუზეუმმა მოამზადა და გამოსცა თითქმის რვაას გვერდიანი კრებული „საქართველოს ებრაელთა პროზა“.

პროექტის ავტორი და მთავარი რედაქტორი გახლავთ ისტორიის მეცნიერებათა დოქტორი შალვა ნინუაშვილი, სარედაქციო კოლეგიის წევრები: ფილოლოგიური მეცნიერებათა დოქტორი გერმონ ბენ ორენი (ნინუაშვილი), პოეტი ნანა შაბათაშვილი-დავარი, მწერალი, პუბლიცისტი ნუგზარ ჯანაშვილი, რომელიც კრებულის წინათქმამში აღნიშნავს: „უძველესი ქართული წარწერა დათარიღებული ჩვ.წ.433 წლით, აღმოჩენილია დღევანდელი ისრაელის ტერიტორიაზე, რომელიც მთელი 60 წლით უსწრებს ბოლნისის სიონის წარწერას“.

ნიგნში შესულია ორმოცდაათამდე ავტორის ნაწარმოები. აქ არიან როგორც საყოველთაოდ ცნობილი მწერლები, ასევე ავტორები, რომელთა ნაწარმოები შორეული კავშირი აქვს პროზასთან.

თეთრ სახლში

„ხაბადის“ ემისარი ვაშინგტონში რაბი ლევი შემტოვი ოთხი სახის მცენარეულით — ლულავით — მივიდა თეთრ სახლში, რათა აშშ პრეზიდენტის ადმინისტრაციის ათეულობით ებრაელი თანამშრომლებისათვის მიეცა ლულავის კურთხევის საშუალება. სურათზე თქვენ ხედავთ თუ როგორ აკურთხებს ლულავს აშშ პრეზიდენტის ქალიშვილი, იუდეველი ივანკა ტრამპი.

ლონდონის ცენტრში

The Jewish Press-ი იუწყება, რომ ბრიტანეთის სამეფოს არსებობის ისტორიაში პირველად დღესასწაული სუქოთი იმით აღინიშნა, რომ ლონდონის ცენტრში რიტუალური კარავი — სუქქა დაიდგა.

კარავი — სუქქა მეფე ჩარლზის ქუჩაზე, დიდი ბრიტანეთის პარლამენტის შენობისა და დაუნინგ სტრიტის მეათე ნომერი სახლის სიახლოვეს გამართეს.



კონცერტები, წინა საიუბილეო მილოცვები

მართალია, კომპოზიტორ იოსებ ბარდანაშვილს დაბადების 70-ე წლისთავი ნოემბერში უსრულდება და საგარეოდა, ქართველ ებრაელთა მომრავლებული საზოგადოებრივი ორგანიზაციები თავის სიტყვას იტყვიან, საქართველოში კი ორი თვით ადრე ვახშიანდა ცნობილი კომპოზიტორის მოახლოებული საიუბილეო თარიღი: წელს შეათედ ჩატარდა ტრადიციული საერთაშორისო მუსიკალური ფესტივალი. 2 სექტემბერს კონსერვატორიის დიდ დარბაზში სწორედ ფესტივალის ფარგლებში უსრულდა იოსებ ბარდანაშვილის „კონცერტი ვიოლინოსა და სიმებიანი ორკესტრისათვის, რომელიც კომპოზიტორმა 30 წლის წინათ სწორედ ლიანა ისაკაძის დაკვეთით დაწერა.

ფესტივალის დირექტორმა კონცერტის დაწყების წინ იოსებ ბარდანაშვილს გულთბილად მიულოცა მოახლოებული საიუბილეო თარიღი, ისაუბრა მის შემოქმედებაზე, იმ მუსიკალურ ნაწარმოებებზე, რომლებმაც კომპოზიტორს შემოქმედებითი აღიარება მოუტანა.

ბათუმში ჩატარებულ საავტორო ფილმების საერთაშორისო ფესტივალზე კი იოსებ ბარდანაშვილი მშობლიურ ქალაქში საგანგებოდ გახლდათ მიწვეული.

ფესტივალის დღეებში რამდენიმე მოღვაწე ქართული კინოს განვითარებაში შეტანილი წვლილისათვის დააჯილდოვეს — ერთ-ერთი ბირველთაგანი იოსებ ბარდანაშვილი გახლდათ. ის ხომ ერთობ ნაყოფიერად მუშაობს ქართულ კინოში — ჩინებული ქართველი კინორეჟისორები სწორედ მას სთხოვენ შექმნას მუსიკა მათი ფილმებისათვის. ეს დაჯილდოებაც უბილეს უსწრებდა წინ.

იოსებ ბარდანაშვილის კინო და თეატრალური მუსიკა საუბრის კიდევ ერთი თემაა. ეს სექტემბრის ბოლო დღეებში საქართველოში განხორციელებულმა დიდმა საერთაშორისო პროექტმაც დაადასტურა — ქართულ-გერმანულმა პროექტმა დიდი ყურადღება მიიქცია. უფლისციხის არქიტექტორთა მუზეუმ-ნაკრძალში — უადრესი საუკუნეების კლდეებში ნაკვეთ ქალაქში ქართველი და გერმანელი ხელოვანების ინიციატივითა და მონაწილეობით ღია ცის ქვეშ, კლდეთა შორის წარმოდგენილი იქნა ლამა ბულაძისა და კლაუდია რუშნის „პრობლემაური ვახტანგური“, რომელშიც განხილულია თანამედროვე საქართველოს ყოფა. ეს სპექტაკლი მუსიკალურად იოსებ ბარდანაშვილმა და გერმანელმა კომპოზიტორმა ვოლფანგ მოტერმა წარმოადგინეს — 28, 29 და 30 სექტემბერს — სპექტაკლის პრემიერაზე უფლისციხის ქვათა საუფლოში ხშირად გაისმოდა ტაში, რომელიც 70 წელს მიღწეულ იოსებ ბარდანაშვილსაც ეკუთვნოდა.



ისრაელელი პროფესორები საქართველოში



საქართველოს შოთა რუსთაველის ეროვნულმა სამეცნიერო ფონდმა 2016 წელს დააფინანსა უცხოეთში მოღვაწე თანამემამულეთა მონაწილეობით, ერთობლივი კვლევებისათვის სახელმწიფო სამეცნიერო გრანტების კონკურსში გამარჯვებული პროექტი „ქართველ ებრაელთა მეტყველება ისრაელში“ (I- 2016-32), რომლის უცხოელი სამეცნიერო ხელმძღვანელი არიელის უნივერსიტეტის (ისრაელი) პროფესორი, კავკასიისა და ცენტრალური აზიის ებრაულ თემთა კვლევის ინსტიტუტის ხელმძღვანელი რეუვენ ენოხი გახლავთ, ხოლო პროექტის ხელმძღვანელია პროფესორი თამარ ლომთაძე — ივ. ჯავახიშვილის სახელობის თბილისის სახელმწიფო უნივერსიტეტის არნ. ჩიქობავას სახელობის ენათმეცნიერების ინსტიტუტის უფროსი მეცნიერ-თანამშრომელი, აკაკი წერეთლის სახელმწიფო უნივერსიტეტის ქართული ფილოლოგიის დეპარტამენტის პროფესორი.

პროექტის ძირითადი მონაწილეები არიან: კოორდინატორი, პროფესორი ლალი გულედანი, ილიას სახელმწიფო უნივერსიტეტი, დოქტორი ც. ჯანჯღავა თსუ არნ. ჩიქობავას ენათმეცნიერების ინსტიტუტის მეცნიერ-თანამშრომელი, ახალგაზრდა მეცნიერების სტატუსით პროექტში მონაწილეობენ დოქტორანტი ანა კვირიკაშვილი, ილიას სახელმწიფო უნივერსიტეტი და მაგისტრი რიტა ჯაიანი — თსუ არნ. ჩიქობავას ენათ-

მეცნიერების ინსტიტუტის ლინგვისტ-მთარგმნელი.

პროექტის მიზანია ქართველ ებრაელთა მეტყველების შესწავლა ისრაელში, რაც პრაქტიკულად მანამდე არ განხორციელებულა. სარწმუნოებასა თუ ადათ-წესებთან ერთად, ქართველ ებრაელებს სხვებისაგან განსხვავებული მეტყველება რომ ახასიათებდათ, ეს ყველაფერის ნათელი იყო, თუმცა, ამ მეტყველების შესწავლას სერიოზული ყურადღება თავის დროზე არ მიქცევია. მიზეზი, საბჭოთა რეჟიმი გახლდათ, რომელმაც ებრაელთა იდენტობის ეროვნული გამოხატულებები შეზღუდა და ამიტომაც ასეთი კვლევები აკრძალა.

დამოუკიდებელ საქართველოში აღნიშნული მიმართულებით კვლევებმა იმატა, თუმცა, ებრაელთა ძირითადმა ნაწილმა საქართველო დატოვა გასული საუკუნის 70-იან, ხოლო შემდეგ, 90-იან წლებში და ისრაელში (ასევე სხვა ქვეყნებშიც) გადავიდა საცხოვრებლად. ამიტომაც საქართველოში ებრაელთა მეტყველების ლინგვისტურ მარკებზე შერეულია შესწავლის ერთადერთ შესაძლებლობას წარმოადგენს თანამედროვე ქართველ ებრაელთა მეტყველების შესწავლა ისრაელში. პარალელურად, აღნიშნული მასალა მოგვცემს შესაძლებლობას, დავაფიქსიროთ ქართული ენის ფუნქციონირებისა და განვითარების ტენდენციები, განსხვავებულ ენობრივ გარემოცვაში, თუ ენობრივ სიტუაციაში.

აღნიშნული პროექტის განსახორციელებლად, ისრაელში მასალის ჩასაწერად და სამეცნიერო ლიტერატურის გასაცნობად იმყოფებოდნენ პროექტის წევრები, რომლებმაც იერუსალიმის, თელ-ავივის, ბათ-იამის, ხულონის, აშდოდის, ხაიფის, ნაჰარიის და სხვა ქალაქების ქართველ ებრაელთაგან, თუ ოფიციალური სახელმწიფო სტრუქტურებში მოღვაწე ქართველ ებრაელთა დახმარებით, მოიპოვეს მასალები, რომლებიც ფასეული როლს ითავსს კუთრივ ლინგვისტური, ასევე ეთნოლოგიური, ისტორიული, ინტერდისციპლინარული და ინტეგრირებული კვლევებისათვის. შეიძლება ითქვას, რომ მოპოვებულ მასალას ქართველურ და სემიტურ სივრცეში, ქართულ-ებრაული ენობრივი თუ კულტურული

ურთიერთობების კვლევისათვის უნიკალური წყაროს მნიშვნელობა ექნება.

პროექტის განხორციელების მეორე ეტაპზე დაგეგმილი იყო საერთაშორისო ვორკშოპის ჩატარება სამეცნიერო ხელმძღვანელის მონაწილეობით, რომელიც გაიმართა 25 სექტემბერს არნ. ჩიქობავას ენათმეცნიერების ინსტიტუტში. სამუშაო შეხვედრა მთელი დღის განმავლობაში გაგრძელდა და პროექტის წევრების გარდა, მონაწილეობდნენ სხვა უნივერსიტეტების პროფესორ-მასწავლებლები. ვორკშოპი გახსნა თსუ არნ. ჩიქობავას სახელობის ენათმეცნიერების ინსტიტუტის დირექტორმა-- პროფესორმა ნანა მაჭავარიანმა. საზოგადოებას მიესალმა საქართველოს მეცნიერებათა ეროვნული აკადემიის წევრ-კორესპოდენტი, პროფესორი ვაჟა შენგელია. შესავალ სიტყვაში პროფესორმა რეუვენ ენოხმა ვრცლად ისაუბრა აღნიშნული პროექტის მნიშვნელობაზე. პროექტის წევრებმა წარმოადგინეს მოხსენებები განეული სამუშაოების შესაბამისად. შეხვედრამ დამსწრე საზოგადოების მაღალი შეფასება დაიმსახურა.

მომდევნო დღეებში პროექტის სამეცნიერო ხელმძღვანელთან პროფესორ რეუვენ ენოხთან და იერუსალიმის ებრაული უნივერსიტეტის პროფესორთან კონსტანტინე ლერნერთან გაიმართა კონსულტაციები, რომლის დროსაც დანერგვით იმსჯელეს ჩატარებული სამუშაოების შედეგებისა და სამომავლო საქმიანობის შესახებ.

თანამედროვე გლობალიზაციისა და ურბანიზაციული პროცესების გათვალისწინებით, აღნიშნული მეცნიერული სამუშაოს დროულად შესრულება მეცნიერების ერთ-ერთ მნიშვნელოვან ამოცანასა და ვალდებულებას წარმოადგენს.

26 სექტემბრიდან პროექტის მონაწილეებმა საქართველოს მეცნიერებათა ეროვნულ აკადემიაში გადანიშნულეს, სადაც გაიმართა ივ. ჯავახიშვილის სახელობის თბილისის სახელმწიფო უნივერსიტეტის დაარსების 100 წლისთავისადმი მიძღვნილი საერთაშორისო ქართველოლოგიური კონგრესი.

ენათმეცნიერების სექციის ხელმძღვანელები გახლდნენ არიელის უნი-



ვერსიტეტის პროფესორი რეუვენ ენოხი და იერუსალიმის ებრაული უნივერსიტეტის პროფესორი კონსტანტინე ლერნერი. რეუვენ ენოხმა წარმოადგინა მოხსენება „ვეფხისტყაოსნიდან წმინდა ნიგნების ქართველ ებრაელთა მიერ შესრულებულ თარგმანებამდე - ენობრივი პარალელები“, ხოლო კონსტანტინე ლერნერის მოხსენება ეხებოდა „ფსალმუნთა 120 (119) 5 და მისი მნიშვნელობა პროტოქართველურ ტომთა ისტორიისათვის“.

ისრაელის უნივერსიტეტის პროფესორებთან ინტენსიური კავშირი კიდევ უფრო ნაყოფიერსა და მნიშვნელოვანს ხდის ქართველოლოგიურ კვლევებს. გასათვალისწინებელია ისიც, რომ მსოფლიოში ყველაზე დიდი დიასპორის მქონე ებრაელი ხალხის სამეცნიერო ენების შესწავლა მათი განსახლების მიხედვით ერთ-ერთი მნიშვნელოვანი საკვლევი სფეროა ებრაისტიკაშიც. ამგვარი ურთიერთობის გარეშე, შეუძლებელია სრულყოფილი წარმოდგენა და გააზრება ებრაულ-ქართული ენობრივი სამყაროსი, რომელიც ინტერესს აღძრავს უამრავ მკვლევარს შორის, არამარტო საქართველოსა და ისრაელში, არამედ მსოფლიოს თითქმის ყველა ქვეყანაში, სადაც ებრაული დიასპორები კომპაქტურად ცხოვრობდნენ.

სწორედ ამიტომაც, რომ ქართველი და ებრაელი მკვლევრების ინტენსიური კავშირებს არა მარტო სამეცნიერო, არამედ დიდი საზოგადოებრივი დატვირთვაც აქვს.

თამარ ლომთაძე

„ისა ვარ, რაცა ვარ“ ქართველი კომპოზიტორი ისრაელში

20 სექტემბერს, ისრაელის ქართველ ებრაელთა თემის ორგანიზაცია „გულთა კავშირის“ ინიციატივით, ისრაელს ეწვივნენ საქართველოს დამსახურებული ხელოვანი, სახალხო არტისტი, ცოცხალ კლასიკოსად აღიარებული კომპოზიტორი ვაჟა აზარაშვილი და მისი მეუღლე, პოეტი მანანა დანგაძე. აღსანიშნავია, რომ 84 წლის მაესტროსათვის ეს წმინდა მიწაზე პირველი ვიზიტი გახლდათ და რაც მთავარია, იგი საქველმოქმედო ხასიათს ატარებდა. არაჩვეულებრივი მუსიკალური და პოეზიის საღამო, ქ. ბათ-იამის „ემკოლ პაისის“ საკონცერტო დარბაზში გაიმართა „ქართველ ებრაელთა მრავალრიცხოვანი თემის, ისრაელში მცხოვრები ქართველი ემიგრანტებისა და მთელი ისრაელელი ხალხისთვის მიძღვნილი უანგარო საჩუქარი“ - აღნიშნა თავის მისასალმებელ სიტყვაში „გულთა კავშირის“ პრეზიდენტმა ავრაამ-პაატა იოსებაშვილმა. ბატონი ვაჟაშვილი შემოქმედების წმინდა მიწაზე პირველად, ცოცხლად აჟღერებდა, სცენიდან გულთადად მიესალმა საქართველოს სრულყოფილებიანი ელჩი ისრაელში ბატონი პაატა კალანდაძე. მან განსაკუთრებული ხაზი გაუსვა ქართული,

ჭეშმარიტი, მაღალი ხარისხის ქართული კულტურისა და ხელოვნების პროპაგანდისთვის ქართველ ებრაელთა თემის მიერ განეული ამავს და იმედი გამოთქვა, რომ ბატონი ვაჟაშვილი და ქალბატონი მანანა პირადი ძალისხმევით ამ კუთხით, საქართველო-ისრაელის ურთიერთობის განვითარების საქმეში ჭეშმარიტად კეთილ ნაყოფს გამოიღებენ.

აზარაშვილი-დანგაძის შემოქმედებითი საღამო მიჰყავდათ პოეტ ნუგზარ ჯანაშვილს და საქართველოს ღირსების ორდენოსან პედაგოგს ლია კრიხელს, ხოლო დარბაზი სავსე იყო ბატონი ვაჟაშვილი შემოქმედების დამფასებელი ქართველი და ებრაელი მსმენელით. დიდ ეკრანზე გადიოდა ნანყვეტები მაესტროს ცხოვრებასა და შემოქმედებაზე გადაღებული დოკუმენტური ფილმებიდან, დარბაზში კი ავტორის შესრულებით, ცოცხლად ჟღერდა „დინამო“, „ტანგო“, „ისა ვარ, რაცა ვარ“ და მრავალი სხვა. ჰოდა, ვიდრე ბატონი ვაჟა თავისი უკიდევანო ხიბლითა და ნიჭიერებით საბოლოოდ მოწესრიგდა აუდიტორიას, პირდაპირ პარტყრიდან, ექსპრომტად ძველი მეგობრები, საქართველოში აღზრდილი და დღეს საერთაშორისოდ



აღიარებული კომპოზიტორები იოსებ ბარდანაშვილი და რუბენ კაჟილოტი შეეხმიანენ. იქვე, ადგილზე არაჩვეულებრივი, სამთა ტანდემი დაიბადა და დაიწყო ის, რასაც კომპოზიტორები მთელ მსოფლიოში „მუსიკოსები იცინიან“-ს ეძახიან. ამას სრულიად უშუალოდ მთელი დარბაზი აყვავდა და საღამო საყოველთაო ზეიმად იქცა, რომელიც ბატონმა ვაჟამ მანანა დანგაძის ლექსზე „საქართველო“ დაწერილი სიმღერით დააგვირგვინა და რომელიც აღიერებულ დარბაზთან ერთად ქართველთა და ებრაელთა მეგობრობის ჰიმნით ჟღერდა.

მეორე დღეს, 21 სექტემბერს, ბა-

ტონი ვაჟა აზარაშვილი და ქალბატონი მანანა დანგაძე „გულთა კავშირის“ წევრებთან ერთად საქართველოს საელჩოს ეწვივნენ. მაესტრო და მისი მეუღლე მეგობრებთან ერთად საკუთარ ოჯახში მოზრანდნენ და საქართველოს ელჩთან ქართული კულტურის მსოფლიოში გატანისა და პოპულარიზაციის საქმეში არსებულ პრობლემებზე, ასევე, ქართულ-ისრაელური კულტურული ურთიერთობების მრავალმხრივ განვითარების პერსპექტივებზე ისაუბრეს. დამშვიდობებისას ბატონმა ვაჟამ საელჩოს საჩუქრად თავისი ნაწარმოებების აუდიო და ვიდეო ფირფიტები უსახსოვრა.

ერების მეგობრობა ადამიანების მეგობრობით იწყება

მ ა ი კ ო

ბოლოს შარშან ორჯერ ვნახე თბილისში: ჯერ ეროვნულ ბიბლიოთეკაში სერგო ფარაჯანოვის საღამოზე, მერე კი ხელოვნების სასახლეში პიერ და ბადრი კობახიძეებისადმი მიძღვნილ ფემინებელურ გამოფენაზე. ღმერთო ჩემო, რა მშვენიერი იყო, რა ლალი, რა ბედნიერი. როგორ ბრწყინავდა და ხარობდა. ვინ იფიქრებდა, რომ ერთი წლის მერე აღარ იქნებოდა. ძალიან დიდი მადლობა იმ გამოფენის მომწყობთ და თამრიკო ლორთქიფანიძეს.

სანამ მაია კობახიძის მოგონებას უდიდესი გულსტიკივით განვაგრძობ, ერთ საკითხს შევეხები: დღეს, როცა თანამედროვე სამყაროში ესოდენ მძლავრობს მხოლოდ პირად ხეირსა და გამორჩენაზე გათვლილ ურთიერთობათა ბუღალტერია; როცა ადამიანი ადამიანისთვის, ფაქტობრივად, მგლად იქცა, წარსული ხშირად მახსენებს თავს. თუმცა, ეს სულაც არ ნიშნავს, რომ იმ დროს ვაიდეალებ: 2000-იანი წლების დამდეგს ჩვენი საზოგადოებრივი მაუწყებლის კორესპონდენტი რუსიკო ვაშაქიძე პროგრამისთვის „ნაშუადღვი“ თბილისში სტუმრად მყოფ საერთაშორისო კლასის ჟურნალისტს, მელორ სტურუას მასპინძლობდა. მდიდრული ოტელის ვესტიბულის საგარდემო მჯდომ, ღონდონსა და ვაშინგტონში ხანგრძლივი ბრწყინვალე კარიერით მოვლილ და უკვე ასაკში მყოფ სტუმარს ყველა ცხოვრებისეული პიკი კარგა ხნის დაპყრობილი ჰქონდა. კითხვაზე – თუ დარჩა რამე თქვენს ცხოვრებაში, რაზედაც გული გწყდებათ, მელორ სტურუამ გულწრფელად აღიარა: „– ძალიან ვნანობ, თუკი შემეძლო ვინმეს რამეთი დავხმარებოდი და არ დავეხმარებოდი. მერნმუნეთ, ცხოვრებაში ეს ყველაზე მთავარია!“ ისიც მახსოვს, თეატრალურ ინსტიტუტში ჩვენმა რექტორმა ეთერ გუგუშვილმა იმ ავბედით ოცდაჩვიდმეტ წელს დახვრეტილი მამამისის დამჭერ, უშიშროების მაღალჩინოსან ტრიფონ რუხაძის ქალიშვილი ინსტიტუტში სამუშაოდ რომ მიიღო, თანაც, რექტორატში. თუმცა, სამწუხაროდ, ყოფილი მაღალჩინოსანის ასული მალე გარდაიცვალა მძიმე სენით. დღეს, როცა ვუყურებ გარდასული საბჭოთა ეპოქის აღიარებულ ვარსკვლავებზე გადაღებულ დოკუმენტურ ტელევიდეოებს, მათ შემოქმედებას ერთგვარ ცხოვრებისეულ რეფრენად გასდევს „Она мне помогла“... „Я ему помог“... „Они им помогли“... იყო დრო, როცა სრულიად უცნობ ადამიანებს ქართული ინტელიგენციის თვალსაჩინო წარმომადგენლებიც ეხმარებოდნენ. უმაღლეს სახელისუფლებო ემელონებში პრობლემას არაერთ სრულიად უცხო მთხოვნელს უგვარებდნენ. ეს თავიანთ საზოგადოებრივ მისიად მიაჩნდათ და ძალზე ეამაყებოდნენ. არაერთი ასეთი მაგალითის ჩამოთვლა შემეძლია.

მაია კობახიძე, პირველ რიგში, სწორედ ადამიანურ, ცხოვრებისეულ კონტექსტში მინდა მოვიგონო. მაიკო თეატრალურ ინსტიტუტში გავიცანი. პირველი კურსის პირველივე ლექციაზე ბრწყინვალე პროფესორ ელენე თოფურიძის შემოქმედა ასისტენტად. მერე თავადაც გვიკითხავდა ლექციებს. მერე ჩემს დასაც უკითხავდა. მერე მაიკო იგორ პილიევი გაჰყვა ცოლად. იგორი კი ჩემი თანაკურსელი იყო. ყოველივე ამან ძალიან დაგვაძვივებდა, თანამოაზრეებად გვაქცია. ჩვენი პირადი ურთიერთობა ჩვენი ოჯახების მეგობრობასა და ახლობლობაში ბუნებრივად გადაიზარდა. რამდენს ვმოგზაურობდით ერთად, პიერ კობახიძის მშობლიური ხამისქურიდან დაწყებული მოსკოვით დამთავრებული. ვინ მოთვლის უამრავ შეხვედრებსა და ივენებებს. ჩვენი ოჯახის წევრებიც ერთად ისვენებდნენ სინოპსა თუ ბობოყვათში. მაია და იგორი ჩვენი სამეგობრო წრის გენერატორები იყვნენ. მათთან სამზარეულოში ხშირად ლამის გათენებამდე ვისხედით. ბატონი ბადრიც ვათიერდებოდა. რამდენს ვკამათობდით, ვმსჯელობდით, რას აღარ განვიხი-

ლავდით – პროფესიულად და პიროვნულად ვიზრდებოდით. იმ დაუფინყარი შეხვედრების სულისკვეთების საილუსტრაციოდ ფრაგმენტს მოვიხმობ მიხაილ ფელდმანის პოეტური ოპუსიდან “Свеча Пастернака”:

„... Сколько было открытий! Как мы строили замки!
Как надеялись выйти за постылые рамки,
Сколько души пороли головою и сердцем –
Всё искали пароли к заколдованным дверцам,
Всё не спали ночами в ожидании знака,
Согреваясь лучами от свечи Пастернака“...

(დღევანდელი კონიუნქტურული ფონის გათვალისწინებით, ყოველი შემთხვევისთვის ბოლომდე ვიხილ რუსული ტექსტის გამო. თუმცა, იმასაც ვითვალისწინებ, რომ კულტურულ მკითხველზე ვაპელირებ. ამასთან დაკავშირებით, რუსთაველის თეატრის მცირე დარბაზის ავანზალში გამართულ ერთ-ერთ საკავშირო სიმპოზიუმზე გენიალური მეიერჰოლდისტი, კონსტანტინ რუდინციკის ის გამოსვლა მახსენდება, როცა ერთმა დამწყებმა ბალეტისპირელმა კრიტიკოსმა სიტყვა უხეშად შეანყვებინა: - რატომ უნდა გისმენდეთ ესხა თქვენ რუსულად, როცა მე რომელიმე ფრანგის ან ამერიკელის გამოსვლა უფრო მაინტერესებსო. დღვანდელი დამწყებმა მეცნიერმა ამ უზრდველობას არ უპასუხა).

ინსტიტუტის მერე ყოველი შეხვედრისას მთხოვდა, დისერტაციის დაცვას ნუ აგვიანებო. ერთ ზაფხულს წყნეთის სამთავრობო აგარაკიდან დამირეკა, საღამოს ამოდიო. ავედი. მითხრა, იგორი სერიოზულად ფიქრობს მოსკოვში გადასვლაზე. არ ვიცო, როგორ გავრისკო, ეს მოწინავეებული ყოფა როგორ მივატოვო. გამომშვიდობებისას კი გამომიცხადა: როგორც ჩანს, დისკუსიისთვის თავის მოსაბმელად გარკვეული რეჟიმი გჭირდება. ჩვენ შენთვის ლენინგრადის ასპირანტურაში ჩაბარება მოვიფიქრეთ. ხვალ სამსახურში იგორი მანქანით მოგაკითხავს და ლენინგრადში გასაგზავნი საუბრების შეგროვებაში დაგეხმარებაო. აი ასე, მაიკოს ძალდატანებით წავედი ლენინგრადში. იქ დაბინდების პრობლემაც აქედან მომიგვარა. სამეცადინოდ ნიგნებიც მისივე ბარათით გამოვიტანე ჩვენი ინსტიტუტის ბიბლიოთეკიდან და პირთამდე სავსე ჩემოდნით გავემგზავრე. იმ ტყუილად ვინვალეთ – ბიბლიოთეკა და ნიგნები ლენინგრადშიც ხომ იყო. სხვა დროსაც, არც კი ვიცოდი, ისე ფიქრობდა, თუ რა და როგორ აჯობებდა ჩემთვის ან რომელიმე მეგობრისთვის. ყველას გვახსოვს მისი უზარმაზარი ამაგი და ძალისხმევა ირა პოდკოპაევაზე, რითაც ამკარად დასაღუშად განწირული ნიჭიერი მსახიობი ნორმალური ცხოვრებისკენ შემოაბრუნა. ჯერ იყო და, კია ხანს თავისთან სახლში აცხოვრა და მკურნალობაში ხელს უწყობდა, რაც ნამდვილად არ იყო იოლი. მერე კი მაშინდელი მთაწმინდის რაიონის ხელმძღვანელ ვაჟა ლორთქიფანიძესთან რეკომენდაცია გაუწია, რის შედეგადაც მსახიობს ოროთახიანი ბინა მისცეს მარბლის ქუჩაზე. ამგვარი თანადგომით ირას პროფესიული კარიერაც შეანარჩუნებინა. თუმცა, საბოლოოდ, ისიც მოსკოვში გადავიდა. სხვათა შორის, ირა გენიალური რეჟისორის, ნეკროშუსის თანაკურსელი იყო. ისიც მახსოვს, მაიკომ თეატრალური ინსტიტუტის ერთ-ერთ დიპლომანტს ბანკეტისთვის წყნეთში ვირსალაძეების აგარაკი რომ დაუთმო. ასე რომ, ყოველგვარი კომპლიმენტარულობის გარეშე, თუკი ვინმეზე ფიგურალურად ითქმოდა „Бюро добрых услуг“ ან „Распахнутая душа“, მაიკო პირველთა შორის მოიაზრებოდა. ეს ყოველივე კი ოჯახიდან თანდაყოლილ სულიერი სიმადლისა და ნატივით კულტურის შედეგი იყო. ოჯახიდან, რომლისთვისაც მნიშვნელობა არ ჰქონდა ადამიანის ეროვნებას



ან სოციალურ ცენზს. მახსოვს, ერთ-ერთ წვეულებაზე მათთან სახლში სტუმრად მყოფი ვალენტინ გაფტის, ალექსანდრ ბარტაშვილის, ვენია და ალიკა სმეხოველის, ადოლფ შაპიროს, ლეონიდ იერმოლინიკის, კატია უფიმცევას, ოვიკ ოფოიანის და სხვა არაერთი მეტად მუღერი პერსონის გვერდით, სუფრას უსხდნენ გრიბოედოვის თეატრის გამნათებელი ყმანვილი სამეველი და ბატონი ბადრის მძლოლი არკაშა.

რაც შეეხება მის პროფესიონალიზმს: ერთ-ერთ საკავშირო თბილისურ ფესტივალზე, მარჯანიშვილის თეატრში მარკ ზახაროვის მიერ „Ленком“-ში დადგმული შექსპირი წარმოდგინეს. სპექტაკლის მერე, განხილვაზე სიტყვა მაია კობახიძეს მისცეს. მან საოცარი ტაქტითა და კომპეტენტური სიღრმით სპექტაკლი, რომ იტყვიან, მინასთან გაასწორა. აუდიტორია გატრუნული უსმენდა. მარკ ზახაროვი – გაფთვებული. ამ ყოველივეთი უკმაყოფილო გიგა ლორთქიფანიძე, როგორც ქართული თეატრის თავკაცი, მასპინძლურ დისკომფორტსა და წყრომას ვერ მალავდა. მაიას ის გამოსვლა არამარტო თეატრალური კრიტიკის, არამედ თეატრალური ფილოსოფიის და ორატორული ხელოვნების ანუ ელოკვენციის უმაღლესი სტანდარტი გახლდათ. და საერთოდაც, რასაც იტყოდა, ლაზათიანად იტყოდა, თუნდაც ერთი ფრაზით: მაჩაბლის ქუჩის სკვერში სანდრო ახმეტელის ბიუსტის (ავტორი - მერაბ ბერძენიშვილი) გახსნაზე ვიყავით. როცა ტილო ჩამოსხნეს, მაიკომ ბიუსტს თვალი შეავლო და გაიღიმა: - Он на римского патриция похож!.. უთუოდ უნდა გავიხსენო თეატრის მოღვაწეთა კავშირის ერთ-ერთი ყრილობაც; მაშინდელი უზენაესი საბჭოს (ამჟამინდელი პარლამენტის) პლენარულ დარბაზში რომ გაიმართა. სწორედ იმ ყრილობაზე დადგა გრიგორ რობაქიძის რეპლიტირების საკითხი. ყრილობის დამსწრეთა შორის მეც გახლდით და დარბაზში მაიას გვერდით ვიჯექი. ბატონი ბადრი, როგორც სპიკერი, პრეზიდენტიდან წარმართავდა თეატრალთა იმ მეტად წარმომადგენლობით თავმჯერას. ყრილობის მაღალი ტრიბუნა მაია კობახიძესაც დაეთმო. როგორც ყოველთვის, მისი ის გამოსვლაც აღსავსე იყო საქმიანი პრინციპულობით და საგულისხმო მესიჯებით. სიტყვა არაერთხელ შეანყვებინეს ტამით. საღამოს კი, ტრადიციულად, კობახიძეებთან სახლში შევიკრიბეთ. ბატონი ბადრიც შემოგვიერთდა. რაღაც მომენტში მომიტრიალდა და მითხრა: - იცი, დღეს მაიკოს გამოსვლისას პრეზიდენტიდან დარბაზში თვალს არ გაცილებდი. ჩუმიდ გტესტავდი. ეგებ რაღაც შური შემემჩნინა. შენც არ მომიკვდე. სკამის საზურგეიდან წინწამოწეული გაფაციცებით უსმენდი და თანხმობის ნიშნად უნებურად თავს უქნევდი. ყოჩაღ, მაიკოსთან შენს ნაღდ ურთიერთობაში საბოლოოდ დავრწმუნდი და გამეხარდა. არ გენყინოს – მამა ვარ და მაინტერესებდა, ჩემი შვილი მეგობარში ხომ არ ცდებოდაო.

როცა მარჯანიშვილის თეატრში თელაველებმა „ალალე“ წარმოადგინეს, სპექტაკლის მერე იგორმა მანქანით ნამოვიყვანა ბატონი ბადრი, მაიკო, მე და ჩემი და. წარმოდგენაში მოჭარბებულმა დოლ-გარმონმა და ტამ-ფანდურმა, ეტყობა, ბატონ ბადრის გუნება-განწყობილება გამოუკეთა და, – სპექტაკლი მომეწონაო, გვითხრა. – რას ამბობ, –

მოილუმა მაიკო. რომ ვერ შეთანხმდნენ, – შენ რას იტყვიო, – მომიბრუნდა ბატონი ბადრი. მამათა და შვილთა დაპირისპირების „კლასიკურ სქემაში“ არბიტრის როლი არ მომეწონა და სასწრაფოდ რედაქციიდან გამოყოლილ იმდღევანდელ „ცხელ“ ნიუსზე გადავატანინე ყურადღება.

მაია კობახიძის სამეცნიერო ჰიპოტეზის საილუსტრაციოდ მისი დისერტაციის გახსენებაც კმარა. თემა აბსურდის თეატრს, კონკრეტულად კი ჰაროლდ პინტერის შემოქმედებას ეხებოდა. აბსურდის მიმდინარეობა იმ საბჭოთა დროში ჩვენთან ბურჟუაზიულ იდეოლოგიად ითვლებოდა და იკრძალებოდა ისევე, როგორც ომის შემდგომი ევროპული ინტელექტუალიზმის სხვა განშტოებები. დასავლეთში უკვე კლასიკად ქცეული ის განშტოებები ჩვენში მაშინ ახალი, „ეგზოტიკური“ და თან, უიშვიათესი ხილი იყო. ერთადერთი, რაც მათ შესახებ ინფორმაციას იძლეოდა, იყო მოსკოვში ლამის დისიდენტურად და ძალზე მცირე ტირაჟით გამოცემული ბრწყინვალე კრებული „На сцене и в кино“. ეს გახლდათ ლონდონის გაზეთ „ობზერვერს“ მიმომხილველის, კენეტ ტაინენის გენიალური სტატიების რჩეული, რომელიც ძალზე ძნელად ხელმისაწვდომი იყო. ჩვენს საჯარო ბიბლიოთეკას ერთადერთი ეგზემპლარი გააჩნდა და მასზე ნამდვილი ნადირობა იყო გაჩაღებული. ამ ფონზე, მაშინდელი პროგრესული პერსონების ძალისხმევით ნიკო ყიასაშვილთან და გელა ჩარკვიანთან შტუდენტული ბრწყინვალე ინგლისურით, მაია კობახიძე პირადად ჰაროლდ პინტერთან სტაჟირების გასაველად და დისერტაციის მოსამზადებლად ერთი წლით ლონდონში მიავლინეს.

დისერტაციის დაცვა თბილისში ნამდვილი კულტურული მოკი იყო. საკავშირო სივრცეში კი პრეცედენტი გახლდათ და მას თითქმის მთელი საბჭოთა კავშირის ინტელექტუალური ელიტა ეცნობოდა. თეატრალური ინსტიტუტის საექტო დარბაზში ფეხზე დასადგომი ადგილიც არ იყო. სპეციალურად ჩამოსულ სტუმართა არნახული რაოდენობის გათვალისწინებით, მაიამ მსჯელობა რუსულ ენაზე სპორტანურად წარმოება. შეკითხვებსა და კამათს ბოლო არ უჩნდა. დისერტანტი ძალზე ღრმად და არგუმენტირებულად, თან, მომხიბვლელი შარმით პასუხობდა. არ ვაჭარბებ, ეს ნამდვილი ტრიუმფი იყო!

ერთი დეტალი მისი ლონდონური პერიოდიდან: იმ ერთწლიანი მივლინების შუაში მაიკოს ორკვირიანი არდადეგები ერგებოდა და, როგორც ტურისტს, შეეძლო ინგლისში ემოგზაურა. ამას სამივლინებო პროგრამა ითვალისწინებდა. მითხრა, ამ შემთავაზებაზე კატეგორიული უარი განეცხადე და სასწრაფოდ თბილისში განეცხადე. ნახევარი წლის უნახავ ჩემებთან ერთად, იგორიც ძალიან მენატრებოდა. სწორედ მაშინ გამოვუტყედი დათო ვირსალაძეს, რომ მასთან განქორწინება და იგორის ცოლად გაყოლა მტკიცედ მქონდა გადაწყვეტილი. დათომ ყველაფერი კარგად გაიაზრა და მიჩნა: – ჯერ წადი, კუთვნილი მეორე სემესტრი მოითავე და რომ დაბრუნდები, მერე განვეკონწინდეთ. ახლა რომ გავიყაროთ, მოსკოვი ლონდონში ხელახლა გამგზავრების ნებას აღარ დაგვრთავსო. მეც მაშინვე დავეთანხმე და ამის გამო დღემდე მისი ძალიანი მადლობელი ვარო. ეს ფრაგმენტი დიდი ადამიანური კულტურის, პიროვნული სიმძლიის საილუსტრაციოდ მოვიხმე. გაყრა ხომ თავისთავად უსიამოვნო ფაქტია, მაგრამ ასეთ დროს გამოვლენილი ესოდენი ურთიერთპატივისცემა მართლაც გასაოცარია (მაიკო ოჯახით შესანიშნავ ურთიერთობებს ინარჩუნებდა როგორც ვირსალაძეებთან, ისე ტასიკოს ყოფილ მეუღლე გიორგი მარგველაშვილთან, ჩვენს დღევანდელ პრეზიდენტთან). მერე მაია შეერთებულ შტატებში მიიწვიეს ხანგრძლივ პროფესიულ პრაქტიკაზე. მერე კი პარიზში. სხვათა შორის, სწორედ მაიკოს თარგმანითა ქართულად გიორგი ტოვსტონოვოვის შესანიშნავი ნიგნი „რეჟისორის პროფესია“. ნიგნი, რომელსაც დღემდე არ დაუკარგავს ქრესტომათიული მნიშვნელობა.

სხვა დანარჩენთან ერთად, მაიკოს ბადრისგან მეგვიდრეობად ადამიანური კავშირების უმდიდრესი სპექტრი და ვრცელი გეოგრაფია ერგო. უამრავ მეგობართა შორის გამორჩეულად ღირსეული მიხაილ შვიდკოი გახლდათ. როცა ბადრი გარდაიცვალა, ერთ-ერთი საერთა-

(დასაწყისი პირველ გვერდზე)

2. ვიზიტი მოლდოვაში

კონგრესის პრეზიდენტის — მიხეილ მირილაშვილის მეთაურობით, ებრაელ ლიდერთა ერთობ წარმომადგენლობითი დელეგაცია მოლდოვას ეწვია. დელეგაციაში შედიოდნენ: მსოფლიოს ებრაელთა კონგრესის ვიცე-პრეზიდენტი რობერტ ზინგერი, ევრაზიის ებრაელთა კონგრესის გენერალური დირექტორი ხაიმ ბენ იაკობი, მოლდოვას ებრაული თემის თავმჯდომარე ალექსანდრე ბილინკისი, ეაე კონგრესის ვიცე-პრეზიდენტი იმანუელ გრინშპუნი, დელეგაციის წევრები შეხვდნენ მოლდოვას ეკონომიკისა და ინფრასტრუქტურის მინისტრს კირილ გაბურიჩს, განათლების, კულტურისა და მეცნიერების მინისტრს მონიკა ბაბუკს, საგარეო საქმეთა და ევროპასთან ინტეგრაციის მინისტრს ტუდორ ულიანოვსკის, სახელმწიფოს სხვა პოლიტიკურ და სახელმწიფო მოღვაწეებს. შეხვედრებზე საუბრის მთავარი თემა გახლდათ მოლდოვას ებრაული თემის განვითარება, ჰოლოკოსტის ისტორიის შესწავლა და ანტისემიტიზმთან ბრძოლა.

ეკონომიკისა და ინფრასტრუქტურის მინისტრთან კირილ გაბურიჩთან შეხვედრისას დაისვა ებრაული საკუთრების რესტიტუციის, ებრაელთა სასაფლაოების მოვლისა და ებრაული ტურიზმის განვითარების საკითხები. მინისტრმა დელეგაციის წევრებს აღუქვა, რომ დაინყება ებრაელთა საკუთრების ჯერჯერობთ, თუნდაც ნაწილის დაბრუნების, ან სათანადო საზ-



ლაურის გადახდა. განათლების, კულტურისა და მეცნიერების მინისტრ მონიკა ბაბუკთან შეხვედრის წინ დელეგაციის წევრები მივიდნენ კომინიოვის „ფაშიზმის მსხვერპლთა“ მემორიალთან, რომელიც აღმართულია ფაშისტური ოკუპაციის წლებში ჰოლოკოსტის, ბოშებისა და რუმინელების ხსოვნის საპატივცემლოდ, მინისტრთან შეხვედრისას კი განხილული იქნა ანტისემიტიზმის გამოვლინებებთან ბრძოლისა და ჰოლოკოსტის მსხვერპლთა ხსოვნის უკვდავყოფის საკითხი. მონიკა ბაბუკმა აღნიშნა, რომ სახელმწიფო დიდ ყურადღებას უთმობს ამ საკითხებს. სამინისტრო ანტისემიტიზმთან ბრძოლისა და ჰოლოკოსტის მსხვერპლთა ხსოვნის შენახვის მიზნით მჭიდროდ თანამშრომლობს ებრაულ თემთან.

მოლდოვას საგარეო საქმეთა და ევროპასთან ინტეგრაციის მინისტრ ტუდორ ულიანოვსკისთან შეხვედრისას განხილული იქნა ანტისემიტიზმთან ბრძოლის სხვადასვა ასპექტი. კერძოდ აუცილებელია, ხელისუფლებამ საჯაროდ და მკაცრად დაგმოს ებრაელობისადმი სიძულვილის ყოველი გამოვლინება. ტ. ულიანოვსკიმ განაცხადა, რომ მოლდოვას ხელისუფლება ერთმნიშვნელოვნად ადგას ტოლერანტობის გზას. მან ამ სახელმწიფოს ებრაელობისადმი განუული დახმარებისათვის მსოფლიოს ებრაელთა და ევრაზიის ებრაელთა კონგრესებს მადლობა გადაუხადა.

35 ებრაული ანდაზა, რომლებიც ცხოვრებაზე სხვანაირად დაგაფიქრებთ

ცნობილია, რომ ებრაელი ერი ბრძენია. მათი ყველაზე დიდი ხიბლი მათ ბრძნულ ანდაზებსა და გამონათქვამებსაა.

1. თუ ფულის საშუალებით პრობლემის გადაჭრა შეგიძლიათ, მაშინ ეს არ წარმოადგენს პრობლემას, ეს უბრალოდ დანახარჯია.
2. ადამი პირველი იღბლიანი მამაკაცი იყო, რადგან სიდედრი არ ჰყავდა.
3. ღმერთმა ადამიანს ორი ყური და ერთი პირი იმისთვის მისცა, რომ ბევრი მოისმინოს და ნაკლები ილაპარაკოს.
4. ღმერთმა დაგვიფაროს ცუდი ქალებისგან, კარგ ქალებს კი თვითონ გაუმკლავდი.
5. უკეთესია ებრაელი წვერის გარეშე, ვიდრე წვერი – ებრაელის გარეშე.
6. ღმერთს არ შეუძლია ერთდროულად ყველგან იყოს - ამიტომაც შექმნა დედები.
7. ნუ იქნები ტკბილი, თორემ შეგჭამენ. ნუ გაცხარდები, თორემ გადმოგაფურთხებენ.
8. ყველა უფულობაზე ნუნუნებს, ჭკუის ნაკლებობაზე კი არავინ ნაღვლობს.
9. გეშინოდეს შენს წინ მდგომი თხის, უკან მდგომი ცხენის და სულელის ყველა მხრიდან.
10. განათლება დიდ ადგილს არ იკავებს.
11. სამი დღის შემდეგ სტუმარსა და თევზს ცუდი სუნი ასდით.
12. თუ არ გსურს ვინმემ ყელი გამოგჭრათ, ნუ მოიხრით ქედს.
13. ორ ბოროტებას შორის, პესიმისტი ორივეს ირჩევს.
14. ყრუმ გაიგო, როგორ საუბრობდა მუნჯი, ბრმამ დაინახა თუ რა სწრაფად გარბოდა კოჭლი.
15. ღმერთი ღარიბებს ძვირი ცოდვებისგან იცავს.
16. ქველმოქმედება რომ არაფერი არ ღირდეს, ყველა ფილანტროპი იქნებოდა.

17. როცა ასაკოვანი ქალი თხოვდება, ის მაშინვე გარდაიქმნება ახალგაზრდა ცოლად.
18. მშობლები ბავშვებს საუბარს ასწავლიან, შვილები კი მშობლებს გაჩუმებას აჩვენებენ.
19. შორიდან ყველა ადამიანი კარგი ჩანს.
20. ფული ვერ გაგხდის ისე კარგად, როგორც უფულობა გხდის ცუდად.
21. შესაძლოა კვერცხი ქათამზე ბევრად ჭკვიანია, მაგრამ ორივე სწრაფად ფუჭდება.
22. ჯერ არ დაბადებულა ცხენი, რომლითაც ახალგაზრდობას დაენევი.
23. მამაკაცები მეტს გააკეთებდნენ, ქალები რომ ნაკლებს ლაპარაკობდნენ.
24. ჭალარა - სიბერის ნიშანია და არა სიბრძნის.
25. კარგად გაჩუმება უფრო რთულია, ვიდრე კარგად საუბარი.
26. ცუდი ცოლი წვიმაზე უარესია: წვიმა სახლში აგდებს ადამიანს, ცუდი ცოლი კი პირიქით, სახლიდან აგდებს.
27. დედამიანს გაქრობა ემუქრება - არა იმიტომ, რომ ბევრი ადამიანია, არამედ იმიტომ, რომ ბევრი არაადამინია.
28. ღმერთო! წამოდგომაში დამეხმარე - დაცემას თავადაც შევძლებ.
29. თუ ცხოვრება უკეთესობისკენ არ შეიცვლება, დაელოდე - ის უარესობისკენ შეიცვლება.
30. როგორი ტკბილიც არ უნდა იყოს სიყვარული, მისგან კომპოტს ვერ გააკეთებ.
31. როცა გასაკეთებელი არაფერი გაქვთ, რთულ საქმეებს შეეჭიდეთ.
32. ვისაც შვილი არ ჰყავს, ყველაზე კარგად შეუძლია ბავშვების აღზრდა.
33. შიშით სიკვდილს, სჯობია სიცილით მოკვდე.
34. გამოცდილება - სიტყვა, რომელსაც ადამიანები თავიანთ შეცდომებს არქმევენ.
35. დაბერებული ადამიანი ხედავს უარესად, მაგრამ ბევრს.